

MAHAZO NY VAVAHADIN'NY

FAHAVALO AORIAN'NY

FIZAHAN-TOETRA

 Manontany tena aho fa . . . Fantatrareo, manana hevitra kely aho, tiako, ny mahita ny olona mitsangana rehefa mamaky ny Teny isika. Tsy tianareo ve izany? Mitsangana isika mba hanome fankatoavana, mitsangana isika ho an'ny firenentsika, nahoana no tsy hitsangana ho an'ny Teny ankehitriny?

² Raha mbola mitsangana isika iray minitra fotsiny. Namaky lahatsoratra anankiray aho, vao tsy ela akory izay, ary nieritreritra aho omaly hariva ny amin'ireo olona izay mitsangana ho an'i Kristy. Raha mbola tsy nanao an'izany ianareo, tsy hanao an'izany ve ianareo androany?

³ Nisy evanjelista malaza anankiray, teo amin'ny dimy amby fitopolo taona lasa teo izay, tsy mety ho tадидико mihitsy ny anarany. Heveriko fa Arthur McCoy ilay izy, ary nitety ny tany izy. Ary indray alina dia nanonofy izy fa nandeha tany amin'ny Voninahitra izy. Ary nilaza fa nandeha teo amin'ny Vavahady izy, ary nilaza izy fa tsy navelan'izy ireo niditra izy. Ary nilaza izy fa hoy izy hoe, "Izaho no Arthur McCoy avy any Etazonia. Evanjelista aho."

⁴ Noho izany dia niditra ilay mpiandry vavahady, (ankehitriny nofy ity), ary niditra izy, hoy izy, "Tsy mety mahita ny anaranaao mihitsy aho."

Hoy izy hoe, "Eny, evanjelista aho."

Hoy izy hoe, "Tompoko, izaho . . ."

⁵ Hoy izy hoe, "Eny, misy anjara ve mba . . . Misy zavatra tsy mety."

⁶ Hoy izy hoe, "Tsia, tompoko. Manana ny Boky aho eto. Tsy mety mahita ny anaranaao mihitsy aho."

Ary hoy izy hoe, "Eny, afaka manao zavatra anankiray mikasika an'izany ve aho?"

⁷ Hoy izy hoe, "Afaka mampakatra ny momba anao ao amin'ny Fitsaran'ny Seza fiandrianana Fotsy ianao." Andriamanitra, vonjeo. Tsy tiako ny ho any.

⁸ Hoy izy hoe, "Eny, raha izay no fanantenako tokana, ataoko fa hampakatra ny momba ahy aho amin'izay fotoana izay."

⁹ Ary nilaza izy tamin'izay fa nandeha lâlana lavitra izy, ary fotsiny . . . Ary rehefa nanomboka izy, nilaza izy fa aizina izany, ary niha-nazava sy nazava, ary nilaza izy fa ilay izy dia tahaka ny hoe tsy nisy toerana anankiray nijanonan'ilay Hazavana, izy anefa tena teo afovoan'ilay Izy mihitsy. Ary nilaza izy fa hoy Izy hoe, "Iza ilay manatona ny Seza Fiandrianan'ny Fitsarako?"

¹⁰ Hoy izy hoe, "Izaho no Arthur McCoy. Evanjelista aho, nandefa fanahy maro aty amin'ny Fanjakana."

Hoy Izy hoe, "Tsy hita tao amin'ny Boky ve ny anaranao?"

"Tsia."

Hoy Izy, "Noho izany ve no hampakaranao aty amin'ny Toeram-pitsaroko?"

"Eny, tompoko."

¹¹ "Hahazo mpitsara ianao. Hitsara anao amin'ny Lalâkô Aho. Arthur McCoy, efa mba niteny lainga ve ianao?"

¹² Hoy izy hoe, "Izaho dia nihevitra fa izaho no tena lehilahy tsara indrindra mandra-pijoroko tao amin'io Hazavana io." Hoy izy hoe, "Saingy tao amin'ny Fanatrehan'io Hazavana io, dia mpanota anankiray aho." Isika rehetra dia ho izany. Mety mahatsapa ho azo antoka ianareo ankehitriny, saingy andraso mandra-pahatonganareo Any. Ahoana no hiheveranareo fa toy ny eto izany rehefa Izy no manosotra? Toy ny ahoana no hahatsapanareo fa kely ianareo! Hanao ahoana izany eo amin'ilay Fitsaran'ny Seza fiandrianana Fotsy?

Hoy Izy hoe, "Efa mba niteny lainga ve ianao?"

¹³ Hoy izy hoe, "Izaho dia nihevitra fa tena marina aho, saingy ireo zavatra kely izay noeritreretiko ho lainga masina kely, lasa lehibe sy mahatahotra izy ireo Any."

Hoy izy hoe, "Eny, tompoko, efa niteny lainga aho."

Hoy Izy hoe, "Efa mba nangalatra ve ianao?"

¹⁴ Hoy izy hoe, "Nihevitra aho fa nahitsy mikasika an'izany aho, ary tsy nangalatra mihitsy, saingy hoy izy, tao amin'ny Fanatrehan'io Hazavana io, izaho—izaho dia nahalala fa nisy fampivarotana kely izay nisintonako, izany dia tsy marina mihitsy."

Hoy izy hoe, "Eny, tompoko, nangalatra aho."

Hoy Izy hoe, "Ny Fitsarako . . ."

¹⁵ Ary tena saiky vonona ny handre ny saziny mihitsy izy, "Mandehana mankao amin'ny afo mandrakizay izay nomanina ho an'ny devoly sy ireo anjeliny," nilaza izy fa ny taolana tsirairay dia lasa nisaratsaraka.

¹⁶ Hoy izy, "Nandre feo mamy indrindra aho izay mbola tsy reko teo amin'ny fiainako." Hoy izy hoe, "Rehefa nitodika hijery aho, dia nahita endrika mamy indrindra izay tsy mbola hitako

mihitsy; mamy noho ny endriky ny reny anankiray, feo mamy noho izay mbola tsy niantsoan'ny reniko ahy mihitsy." Hoy izy, "Nijery manodidina aho. Nandre feo anankiray aho, nanao hoe, 'Ray, marina izany, niteny lainga izy ary tsy mahitsy mihitsy izy. Saingy, teny ambonin'ny tany teny dia nitsangana ho Ahy izy,' hoy izy, 'ankehitriny Izaho no hitsangana eo amin'ny toerany.'"

¹⁷ Izany no tiako hiseho Any. Tiako ny hitsangana ho Azy ankehitriny, mba, rehefa tonga izany fotoana izany, dia Izy no nitsangana teo amin'ny toerako.

¹⁸ Ndao isika hamaky avy ao amin'ny Genesisy 22; ny andininy faha-15, faha-16, faha-17, ary faha-18.

Ary ilay anjelin'ny Tompo niantso an'i Abrahama fanindroany avy tany an-danitra.

Ary nanao hoe, Amin'ny tenako no nianianako, hoy ny Tompo, satria nanao izany zavatra izany ianao, ka tsy niaro ny zanakao, ilay lahitolkanao:

Fa ao amin'ny fitahiana no Hitahiako anao,... fahamaroana no Hanamaroako ny taranakao toy ny kintana eny amin'ny lanitra, ary tahaka ny fasika izay any amoron-drano masina; ary ny taranakao hahazo ny vavahadin'ny fahavalony;

Ary amin'ny taranakao no hitahiana ny firenena rehetra ambonin'ny tany; satria nanaiky ny feoko ianao.

Ndao isika hivavaka.

¹⁹ Ray An-danitra, raiso ny lahateny ankehitriny, Tompo, ary mitoria aminay. Enga anie ny Fanahy Masina no hitondra ny Teny, Tompo, ao amin'ny fo tsirairay avy hatrany. Izany no hihaona amin'ny fiandrasanay izao tolakandro izao, satria lehibe izy ireo, Tompo. Ary Ianao no niteny taminay mba hangataka be dia be, mba hahatanteraka ny fifalianay. Mangataka izany amin'ny Anaran'i Jesosy izahay. Amena.

Afaka mipetraka ianareo.

²⁰ Raha hiantso an'ity ho lahateny aho, mandritry ny fotoana fohy. Reraka ny feoko, koa izany no antony tsy maintsy hanakaikezako ny fanamafisam-peo. Fantatro fa misy ako, fa miharitra kely an'izany isika. Tiako ny hiantso an'ity hoe: *Mahazo Ny Vavahadin'Ny Fahavalox Aorian'Ny Fizahan-Toetra.*

²¹ Ny tantarantsika dia misokatra eo amin'ny anankiray amin'ireo tantara mahafinaritra indrindra ao amin'i Abrahama. Fantatrareo fa i Abrahama no rain'ny mahatoky. Ary ny teny fikasana dia natao ho an'i Abrahama. Ary ny maha-mpandova miaraka aminy irey ihany, amin'ny alàlan'i Kristy, izay ihany no fomba handraisantsika ny teny fikasana, izay amin'ny alàlan'i Abrahama. Ankehitriny, Abrahama dia lehilahy tsotra anankiray fotsiny, saingy izy no nantsoin'Andriamanitra ary izy no nahatoky ho amin'izany antso izany. Rehefa niresaka

taminy Andriamanitra, dia tsy nisalasala tamin'ilay feo mihitsy i Abrahama na dia indray mandeha aza. Nijanona tsara niaraka tamin'izany izy. Tsy nampaninona na inona na inona ilay fahasarotana, nijanona tsara niaraka tamin'izany izy.

²² Ary avy eo dia nampanantenaina zanaka anankiray izy. Ary niandry dimy amby roapolo taona izy hahazoana an'ilay zanaka, niantso ny zavatra rehetra nifanohitra tamin'izany ho toy ny tsy nisy. Ary avy eo, ary tao amin'io zanaka io, no tsy maintsy nitahiana ny fianakaviana rehetra eto ambonin'ny tany. Ary ny patriarka dia nahatoky tamin'ny antsony sy ny Teny nampanantenaina.

²³ Izy no ohatra ny amin'izay tokony haha-izy antsika. Ankehitriny isika, amin'ny maha-maty ao amin'i Kristy, dia Taranak'i Abrahama isika.

²⁴ Ankehitriny, nisy taranaka roa an'i Abrahama. Ny iray tamin'izy ireo dia taranaka ara-nofo; ny anankiray hafa dia Taranaka ara-panahy. Ny iray tamin'izy ireo dia ara-nofo, tamin'ny alàlan'nynofony; ilay iray hafa dia ny Taranaky ny finoany, ny finoana, mba hahatonga antsika ihany koa ho Taranak'i Abrahama amin'ny alàlan'ilay Teny nampanantenaina.

²⁵ Ary ankehitriny rehefa avy nozahan-toetra nandrity ny dimy amby roapolo taona lavabe izy, ary, raha tokony hitombo niha-reraka, dia nitombo niha-natanjaka izy. Hitanareo, raha tsy nitranga tamin'ny taona voalohany ilay izy, ny taona manaraka dia ho fahagagana lehibe anankiray izany, satria efa roa taona ilay izy. Natambany ireo taona ireo, raha niha-antitra izy, ary ny vatany efa maty. Ny kibon'i Saraha, ilay kibo, na ilay izy (lasa) dia tsy afaka niteraka. Ary noho izany dia lasa ny heriny, ary nisy . . . Tena tsy mety tanteraka intsony ilay izy.

²⁶ Efa mba noeritreretinareo ve hoe inona no nataon'Andriamanitra tany? Hitanareo, Izy tsy nanao fotsiny ihany ny kibony ho afaka hiteraka. Satria, tsarovy, raha nanao an'izany Izy, koa tsarovy fa raha nanao an'izany Izy . . . izy ireo dia tsy nanana an'ireny tavoahangy madio sy ara-pahasalamana ireny, tamin'izany andro izany, mba hanomezana an'ilay zaza, ronono avy amin'ny ombivavy. Hitanareo? Izy koa dia tsy maintsy . . . Ireo lâlan-drononony dia maina. Noho izany Izy—Izy tsy afaka nanana . . . Tsy maintsy nisy zavatra nitranga teo.

²⁷ Noho izany, jereo ny vehivavy anankiray, zato taona, miditra ao amin'ny fihetsehan-jaza. Tsy hahatanty an'izany ny fony. Sarotra izany ankehitriny ho an'ny vehivavy anankiray, efapolo taona, ny hanao an'izany. Tsy hahatanty an'izany ny fony. Koa fantatrareo ve izay Nataony? Raha ho voamarikareo . . .

²⁸ Ankehitriny fantatro fa betsaka no mety tsy manaiky. Raha mety ny hanaovana an'izao filazana izao? Hitanareo, izaho . . . Ity dia ho fiheverako manokana fotsiny.

²⁹ Hitanareo, ny Baiboly dia Boky ivelan'ny voajanahary. Izy dia nosoratana mba ho voaafina amin'ireo nianatra, teolojiana. Firy no mahafantatra an'izany? Jesosy dia nisaotra an'Andriamanitra. Hoy Izy hoe, "Misaotra Anao Aho, Ray, fa Nafeninao tamin'ny hendry sy ny manan-tsaina Izany, fa naseho Izany ho an'ny zaza izay te-hianatra." Bokin'ny fitiavana Izany. Rehefa tonga ao amin'ny fo ilay fitiavan'Andriamanitra, amin'izay fotoana izay dia ho latsa-pitia amin'Andriamanitra ianareo, avy eo dia Hanambara ny Tenany Izy, ny dikan'ny Baiboly. Ny fandikana ny Baiboly dia Andriamanitra Izy Tenany mandika ny Teny fikasany. Fa, ny Baiboly, Izy dia nosoratana eny anelanelan'ny andalana.

³⁰ Ankehitriny, tahaka ny vadiko, oh, izy no vehivavy mahafinaritra indrindra eto amin'izao tontolo izao, ary tena tiako izy. Tia ahy izy. Koa rehefa lavitra ny trano aho, dia hanoratra taratasy ho ahy izy, manao hoe, "Bill malala, izao hariva izao aho dia vao avy nampatory ny ankizy. Nanasa lamba aho androany, sy izay rehetra nataony, sy ny sisa." Ankehitriny izy no milaza an'izany ao amin'ilay taratasy. Fa, hitanareo, tiako loatra izy, ary izahay dia tena iray tokoa, hany ka izaho—izaho dia afaka mamaky ny anelanelan'ny andalana. Fantatro izay tiany ho lazaina, hitanareo, na ho teneniny amiko izany na tsia, hitanareo. Izaho—izaho dia mahafantatra izay tiany ho lazaina, satria izany ilay fitiavako azy, sy ny fahalalako.

³¹ Eny, izany no fomba nanoratana ny Baiboly. Hitanareo? Ireo—ireo manam-pahaizana dia handalo fotsiny eo amin'ny tampon'izany; tsy ho azon'izy ireo mihitsy izany. Hitanareo, ianareo dia tsy maintsy ho raiki-pitia amin'ny Teny, Izy, "mba hahafantatra Azy." Hitanareo?

³² Ankehitriny, ankehitriny eto, diniho izay Nataony. Ankehitriny i Abrahama sy Saraha dia efa samy antitra, "nandroso fahanterana," hoy ny Baiboly. Ankehitriny izany dia tsy hoe satria izy ireo dia olona ela velona fotsiny tany. Ny Baiboly dia nilaza fa, "Izy ireo dia nandroso fahanterana."

³³ Ankehitriny mariho, taorian'ny nisehoan'io anjely io avy hatrany, izay resahintsika; Elohimia izany, Andriamanitra. Ary hoy Izy, niteny tamin'i Abrahama, "Hamangy anao Aho amin'ny andron'aina." Ankehitriny diniho fa hatramin'izany, dia tandindon'ilay Fiangonana izy ireo, hatramin'izany.

³⁴ Ankehitriny jereo. Izao no niseho. Ankehitriny, tsy hoe nanjainjastra an'i Saraha fotsiny Izy, sy nanjainjastra an'i Abrahama. Namerina azy ireo indray ho lehilahy sy vehivavy tanora Izy. Ankehitriny mety ho toy ny hafahafa izany, saingy ankehitriny diniho ny tohin'ny Teny, ary atambaro miaraka izany. Ny Teny dia ara-tsindrimandry, ary ianareo dia tsy maintsy ara-tsindrimandry miaraka amin'ny Teny. Ankehitriny,

tsarovy, avy hatrany taorian'izany, avy hatrany taorian'ilay fisehoan'io Anjely io... .

³⁵ Afaka mahita an'izany mihitsy aho, ilay volon'i Saraha volondavenona, bebe kely anankiray miaraka amin'ny salotra eo amin'ny sorony, sy satroka arom-bovoka, mitondra tehina, mandeha manodidina. "Izaho ve, hanana hafaliana miaraka amin'ny tompoke, ary izy antitra, ihany koa?" Hitanareo? Ary indro i Abrahama, ilay volombava lava, mihazona amin'ny tehina, tahaka izany izy, nandroso fahanterana.

³⁶ Ary hitako, ny ampitso maraina, nanomboka nahitsy ireo sorony, niala tao amin'ny lamosiny ilay trafo. Nanomboka nivadika ny volony. Niverina ho lehilahy sy vehivavy tanora izy ireo. Mampiseho fotsiny an'izay Hataony amin'ilay Taranaka Mpanjaka an'i Abrahama, hitanareo, rehefa isika no "ovàna ao anatin'ny fotoana fohy, ao anatin'ny indray mipi-maso, ary hakarina miaraka."

³⁷ Diniho izay nitranga. Ankehitriny mamelà ahy hanaporofo aminareo an'izany. Ankehitriny nanao dia izy ireo avy teo amin'io toerana izay nisy azy ireo io, tany Gomora; ary nandeha hatrany Gerara, tany amin'ny tanin'ny Filistina. Voamarikareo ve? Tsipaho izany ao amin'ny sarintany, toy ny inona ny halaviran'izany. Làlan-davitra tokoa ho an'ny mpivady antitra eo amin'izany taona izany.

³⁸ Ary avy eo, ankoatr'izany, tao—tao amin'ny tanin'ny Filistina tao, dia nisy mpanjaka tanora anankiray amin'ny anarana hoe Amaleka, ary nitady vady izy. Ary nanana an'ireo vehivavy Filistina tsara tarehy rehetra izy, saingy rehefa nahita an'i bebe izy, hoy izy hoe, "Tena tsara jerena izy," ary latxa-pitia taminy izy ary tiany ny haka azy ho vady. Marina izany. Ah-hah. Hitanareo, tena tsara tarehy izy. Hitanareo?

³⁹ Niverina ho vehivavy tanora izy. Mariho, tsy maintsy izany izy, mba hitondrana an'io zaza io. Nanao azy ho olom-baovao Andriamanitra. Ary tsy maintsy izany izy, mba hitaizana an'io zaza io. Ary tsarovy, Abrahama, "ny vatany dia toy ny efa maty," ary Saraha dia maty rehefa i Abrahama... Isaka dia dimy amby efapolo taona, mino aho, raha maty i Saraha. Ary nanambady vehivavy hafa i Abrahama ary nanana zanakalahy fito ankoatry ny zanakavavy, taorian'izany. Ha-ha! Amena.

⁴⁰ Hitanareo, vakio ny anelanelan'andalana. Tandindona anankiray izany. Izany dia mampiseho eo ny amin'izay Hataony amin'ireo Zanak'i Abrahama rehetra. Tena manakaiky an'izany isika izao ankehitriny izao, koa ireo sorontsika miondrika sy ny zavatra rehetra dia tsy hampisy fahasamihafana, ry sakaiza. Ary ny volontsika volontany ary na inona izany na inona, tsy mampaninona izany ankehitriny. Tsy mijery any aoriana isika. Ndao isika hijery any aloha amin'izay hahatongavantsika.

⁴¹ Ary tsarovy, ilay famantarana izay hitantsika, dia ilay famantarana farany izay hitan'i Abrahama sy Saraha, talohan'ny nahatongavan'ilay zanaka nampanantenaina ho eo amin'ny fisiana. Mino isika fa tonga ao amin'izany ora izany isika.

⁴² Ny patriarka, taorian'ny nahaterahan'io tovolahy io. Azonareo saintsainina ve i Isaka, teo amin'ny roa ambin'ny folo taona teo; mahate-ho-tia kely, tovolahy olioli-volo, manjamaso kely? Nisaintsaina aho hoe ahoana no fahatsapan'ilay reny; vehivavy tanora tsara tarehy, sy ny sisa, ary ny rainy. Ary indray andro, nilaza Andriamanitra, ankehitriny, mba ho ohatra anankiray; tena lavitra isika eo amin'ilay lâlana, tsy maintsy ho tonga ilay ora. "Izaho no nanao anao ho rain'ny firenena, amin'ny alàlan'io tovolahy io, saingy Tiako ny hitondranao an'io tovolahy io eny an-tampon'ny tendrombohitra izay Hasehoko anao, ary Tiako ny hamonoanao azy any ambony any, ho fanatitra anankiray." Azonareo saintsainina ve izany?

⁴³ Ankehitriny ianareo dia mbola tsy nangatahana mihitsy handeha ho eo amin'ny fitsapana tahaka an'izany. Tsy manao an'izany intsony Izy ankehitriny. Ohatra fotsiny izany, tandindona.

⁴⁴ Natahotra ve i Abrahama? Tsia, tompoko. Izao no nolazain'i Abrahama hoe, "Tena resy lahatra tanteraka aho fa Izy dia afaka manangana azy amin'ny maty, satria izaho dia nahazo azy tahaka ny anankiray avy tamin'ny maty. Ary raha ilay baikon'Andriamanitra no niteny tamiko hanao an'izao, ka njoro marina tamin'izany aho, ary voavalysy izany, nanomezana ahy an'ilay zanaka; Andriamanitra dia afaka hanangana azy amin'ny maty; avy tamin'izay nahazoako azy, tahaka ny sary anankiray."

⁴⁵ Oh, oadray, ry sakaiza! Raha Andriamanitra no nanome anareo Pentekotista ny Fanahy Masina, miteny amin'ny fiteny tsy fantatra, dia toy ny ahoana kosa no tokony hinoanareo ny herin'ny Fanasitranany, ary ny Fahatsarany sy famindrampony! Raha nanao an'izany Izy, nanohitra an'ireo teolojiana rehetra teto amin'ny firenena! Nilaza izy ireo fa tsy mety ho vita izany, saingy Andriamanitra no nanao an'ilay izy satria Izy no nampanantenana an'izany. Noho izany mitsangàna eo akaikin'ny Basinareo, ny Teninareo, ny Sabatrareo, minoa ny Tenin'Andriamanitra. Andriamanitra no niteny an'izany, ary dia vita hatreo izany!

⁴⁶ Mariho, ankehitriny, nentiny teo amin'ny lâlana hateloana avy teo izy, niaraka tamin'ireo boriky. Ankehitriny izaho dia afaka mandeha an-tongotra, rehefa nanao fisafona aho, dia nandeha an-tongotra telopolo maily isan'andro aho, tao amin'ny an-efitra; ary nanana tongotra mandeha lasantsy izahay, mba hilazana azy. Saingy ireo lehilahy ireo, ny fitaovana tokana

fitateran'izy ireo, dia na mitaingina apondra na—na mandeha an-tongotra. Ary nandeha lèlana hateloana izy avy teo amin'izay nisy azy, ary avy eo dia nanandratra ny masonry, tao amin'ilay an-efitra, ary nahita an'ilay tendrombohitra lavitra.

⁴⁷ Nalainy i Isaka arynofatorany ny tènany. Izany, fantatsika rehetra, ao amin'ny Genesisy 22 eto, dia tandindona anankiray an'i Kristy. Nitondra azy teo an-tendrombohitra, nafatotra, tahaka an'i Jesosy izay nentina teo an-tendrombohitra, Tendrombohitra Kalvary; tandindon'Andriamanitra nanome ny Zanany, mazava ho azy.

⁴⁸ Fa rehefa tonga teny izy ireo, ary izy dia mpankato, dia nanomboka nahazo karazana ahiahy i Isaka. Hoy izy hoe, "Ry Ikaky, ity ny kitay, ity ny alitara, ity ny afo, fa aiza ilay fanatitra?"

⁴⁹ Ary Abrahama, izay nahafantatra tao an-tsainy, kanefa ny Tenin'Andriamanitra no nitsangana teo, hoy izy hoe, "Ry zanako, Andriamanitra dia afaka manomana fanatitra anankiray ho an'ny Tenany." Niantso an'ilay toerana izy hoe, "Jehovah-Jire."

⁵⁰ Ary rehefa namatotra ny zanany izy, izy dia mpankato hatramin'ny fahafatesana; nampandry azy teo ambonin'ny alitara, namoaka ny antsy avy tao amin'ny tranony, ary nanomboka nanala ny ain'ilay tena zanany. Ary, rehefa nanao izy, dia nisy Zavatra nihazona ny tènany, ka nanao hoe, "Abrahama, ajanony ny tènanao."

⁵¹ Ary tamin'izay fotoana izay, ondrilahy anankiray nifatotra, tao ivohony, miaraka amin'ny tandrony nisaringotra tao amin'ilay an-efitra.

⁵² Efa mba noeritreretinareo ve, avy taiza io ondrilahy io? Tsarovy, ilay firenena dia feno liona sy amboadia ary jakala, ary ireo bibi-dia mpihinan'ondry. Ary lavitry ny fandrosoana toy ny ahoana no nisy izy? Ary, avy eo, teo an-tampon'ny tendrombohitra, izay tsy nisy rano. Ary naka vato izy, teny rehetra teny, mba hanamboarana an'ilay alitara. Avy taiza io ondrilahy io? Hitanareeo?

⁵³ Fa tsy fahitana ilay izy. Novonoiny ilay ondrilahy; nanana rà ilay izy. Inona no nolazainy? "Andriamanitra dia afaka manomana fanatitra anankiray ho an'ny Tenany."

⁵⁴ Ahoana no hahatonga *ianao* hiala eo amin'io sezia io? Ahoana no hahatonga an'io sembana io ho tsara, na *ianao* avy ao amin'io sezia io, *ianao* avy eo io, *ianao* miaraka amin'ny aretim-po io? Na inona na inona ilay olana, "Andriamanitra dia afaka manomana ho an'ny Tenany."

⁵⁵ Abrahama dia nino an'izany. Ny patriarka dia nijanona marina teo amin'ny teny fikasana. Ary Izy no nanome ny teny fikasana, hoe, "Ny taranakao! Satria *ianao* no nino ny Teniko,

ary tsy njery an'izay zava-misy, ny taranakao dia hahazo ny vavahadin'ny fahavalony."

⁵⁶ Nahoana? Ny fahavalo rehetra izay tonga, toy ny sary anankiray, nanohitra an'i Abrahama, Abra-... Ilay fahavalalo avy amin'ny, "Antitra loatra izy. Antitra loatra aho. *Io* rehetra io, sy ny zavatra hafa rehetra." Mbola nijanona marina mihitsy tamin'ilay teny fikasana izy.

⁵⁷ Ankehitriny, ny olona izay manana an'izany finoana izany, dia mbola haka ny Tenin'Andriamanitra foana tsy mijery ny zava-misy. Ankehitriny, raha tsy mahavita an'izany ianareo, amin'izay fotoana izay dia tsy Taranak'i Abrahama ianareo. Izany no finoana izay nananan'i Abrahama, ny Taranany.

⁵⁸ Ny teny fikasan'i Abrahama dia hoe ny "Taranany," ankehitriny ny Taranaka mpanjakany, ihany koa, tahaka an'izay noteneniko anareo vao tsy ela teo. Ary io tombokase izay Nomeny an'i Abrahama io, dia tombokasen'ny teny fikasana. Ary ilay Taranaka mpanjaka, araka ny Efesiana 4:30, dia "voaisin'ny Fanahy Masina tombokase," taorian'ny nahatantesan'izy ireo an'ilay fizahan-toetra. Ezaho eritreretina izany.

⁵⁹ Maro no mihevitra fa nahazo ny Fanahy Masina izy ireo. Maro no mihambo ho nahazo ny Fanahy Masina. Maro no afaka mampiseho fanamarinana maro sy famantarana ny amin'izany. Saingy, mbola, raha tsy mijanona miaraka amin'ity Teny ity izany, dia tsy izany no Fanahy Masina. Hitanareo?

⁶⁰ Minoa ny Teny rehetra ianareo, amin'izay fotoana izay dia voaisy tombokase ianareo aorian'ilay fizahan-toetra. Rehefa mino ny teny fikasana tsirairay ao amin'ny Teny isika, amin'izay fotoana izay dia voaisin'ny Fanahy tombokase isika, mba hanamarinana an'ilay teny fikasana. Izany ilay izy, izany i Abrahama, ny fomba nanaovany azy. Amin'izay fotoana izay, ary amin'izay fotoana izay ihany, vao manana ny zo hahazo ny vavahadin'ny fahavalontsika isika. Tsy afaka manao an'izany ianareo raha tsy lasa io Taranaka io aloha isika. Tsarovy, ao amin'ny Baiboly...

⁶¹ Niresaka ny amin'io aho, tany Houston na tany ho any, tamin'ny indray...na, ny tiako ho lazaina dia Dallas. *Ny Famantarana*.

⁶² Hitanareo, ny—ny Jiosy anankiray dia afaka nampiseho, tany Isiraelly tany, fa Jiosy izy tamin'ny alàlan'ny famorana. Saingy hoy Andriamanitra hoe, "Rehefa Hitako ny rà! Ary ny rà no ho famantarana ho anareo."

⁶³ Ny aina izay tao amin'ilay rà dia tsy afaka tonga teo amin'ilay mpivavaka, satria, eny, aim-biby ilay izy, tandindona anankiray fotsiny ilay izy izay ho lasa tena Aina. Avy eo, ilay akora simika, ilay rà izy tenany, dia tsy maintsy menamena eo ambonin'ilay varavarana sy ireo andrin'ny varavarana.

⁶⁴ Nampiharina tamin'ny alàlan'ny hysopa, izay ahi-dratsy tsotra fotsiny, mampiseho fa tsy mila ny hanana finoana hafakely ianareo. Mila manana an'ilay mitovy ianareo, ilay finoana izay anananareo, rehefa tsy maintsy hamelona ny fiaranareo ianareo, handeha ho any am-piangonana. Hitanareo? Olona maro no mihevitra fa izy ireo dia tsy maintsy ho zavatra... Saingy, tsia, tsia, diso izany. Finoana tsotra no tsy maintsy hampiharanareo an'ilay Rà. Mihaino ny Teny, ary mino ny Teny, mampihatra an'Izany, izay ihany. Maka fotsiny an'ilay ahi-dratsy na taiza na taiza tao Palestina, hysopa izany, ahi-dratsy kely naniry avy ao amin'ny elakela-drindrina fotsiny, sy teny amin'ny manodidina, natsoboka tao anatin'ny ràn'izy ireo ary nametaka an'izany teo amin'ny tolana sy ireo andrim-baravarana.

⁶⁵ Ary, tsarovy, tsy ahoako na impiry izy ireo no tao amin'ilay fanekena, na impiry ilay Jiosy no afaka nampiseho fa voafora izy, na olona tsara anankiray toy ny ahoana izy, foana avokoa ny fanekena rehetra raha tsy ilay—ilay famantarana no teo. “Rehefa Hitako ny rà,” irery ihany.

⁶⁶ Ankehitriny, ny Rà ankehitriny, ilay Famantarana, dia tsy akora simika, akora simikan'ny Ràn'i Kristy, satria efa nalatsaka an'arivony taona lasa Izany.

⁶⁷ Fa, hitanareo, teo amin'izay... tsy maintsy nisy an'ilay akora simika teo, ilay aim-biby dia tsy afaka ho tonga eo amin'ny olona, satria ny aim-biby dia tsy manana fanahy. Ny biby dia tsy manavaka ny tsara amin'ny ratsy. Ny olombelona no manana ny fanahy.

⁶⁸ Ankehitriny, fa rehefa Jesosy, ilay Zanak'Andriamanitra, teraka ara-virijiny, no nandatsaka ny Ràny, ilay Aina izay tao amin'io Rà io dia Andriamanitra Tenany. Hoy ny Baiboly hoe, “Isika dia voavonjy tamin'ny alàlan'ny Aina, ny Ràn'Andriamanitra.” Tsy ràn'ny Jiosy anankiray, tsy ràn'ny Jentilisa anankiray; fa ny Ain'Andriamanitra. Andriamanitra no namorona an'io selan-dRà io, teraka ara-virijiny. Tsy nahalala lahy mihitsy izy, sady izy koa tsy... sady tsy avy taminy koa ilay atody.

⁶⁹ Fantattro fa maro aminareo olona ireo no te-hino fa avy taminy ilay atody. Tsy afaka ny ho ao ilay atody raha tsy nisy fihetseham-po iray, inona no nataon'Andriamanitra tamin'izany? Hitanareo?

⁷⁰ Namorona ny atody sy ny selan-dRà Izy, ary izany no tabernakelin'Andriamanitra, masina. “Tsy Avelako hahita ny lo ny Iray Masiko.” Hitanareo ve hoe avy taiza ilay atody? “Sady tsy hamela ny Fanahiny ao amin'ny helo Aho.” Masina ilay Vatany! Oh, oadray! Ianareo tsy, raha tsy afaka mino an'izany ianareo, ahoana no hahafahanareo miantsso ny tenanareo ho Kristiana?

⁷¹ “Isika dia voavonjy tamin’ny alàlan’ny Ràn’Andriamanitra.” Eo amin’izany ny finoako. Tsy mandeha eo amin’ny ràn’ny mpaminany anankiray, tsy mandeha eo amin’ny ràn’olona tsotra anankiray, na mpampianatra anankiray, na teolojiana anankiray. Mandeha ao amin’ny Ràn’Andriamanitra isika any. Andriamanitra no niteny an’izany. Tonga olombelona Izzy. Nanova ny Toerany Izzy. Namelatra ny Lainy teto Izzy, niaraka tamintsika, ary tonga isan-tsika. Izzy no Havana Mahavotra antsika. Tsy maintsya tonga havana ho antsika Izzy, satria izany no lalàna. Tonga olona Andriamanitra ary nonina teo anivontsika.

⁷² Mariho hoe ahoana, teo am-panaovana an’izany, Izzy nivoaka avy Aminy, dia Andriamanitra, ilay Fanahy, ary io Fanahy io no tonga eo amin’ny mpino. Noho izany, ilay Aina izay tao amin’ny Fanatitsika, isika dia voatondro tamin’ny alàlan’io Aina io ihany.

⁷³ Koa ahoana no hahafahan’izy ireo mahita an’ilay Ain’Andriamanitra mihetsika eo anivon’ny olona, nefà dia miantsa an’Izany ho zavatra maloto, raha Izany no fanondroantsika ny Fanatitsika? “Izay mino Ahy, ny asa izay Ataoko no hataony koa.” Ny Ainy miverina eo ambonin’ilay fanati-...avy eo amin’ilay Fanatitra, raha mametraka ny tànantsika eo ambonin’Izany isika ka manondro ny tenantsika ho maty ny amin’ireo fisainantsika manokana. Koa ahoana no hahafahantsika mamela an’ireo anaram-piangonana hanosika antsika ao anatin’ireo fanekem-pinoana sy ny sisa, ka milaza fa mino an’Izany isika? Maty ny amin’ireny zavatra ireny isika.

⁷⁴ Hoy i Paoly hoe, “Tsy misy amin’ireo zavatra ireo mampanahirana ahy,” satria voafatotra eo amin’ny tanteraka anankiray izy, Kristy. Ary ny fahavitan-javatra marina rehetra dia voafatotra eo amin’ny tanteraka anankiray, ary ny tanteraka ho ahy dia ny Teny. Ary ny olona sisa rehetra, izay—izay tena nateraky ny Fanahy, ny tanteraka ho azy ireo dia ny Tenin’Andriamanitra. Voafatotra eo amin’Izany aho. Nametraka ny tànako teo ambonin’Izany aho. Ary Izany no naka ny toerako, ary nanondro ny tenako niaraka Taminy aho. Fantatsika fa Izzy no nampanantena ny hanondro ny Tenany miaraka amintsika. Izany no mitondra finoana tena izy; tsy ny finoanareo manokana, fa ny Finoany; zavatra izay tsy fehezinareo. Izzy no manao an’izany. Ankehitriny mariho. Amin’izay fotoana izay, ary amin’izay fotoana izay ihany, rehefa ny...izany no teny fikasana natao ho anareo.

⁷⁵ Tsy mampaninona na firy na firy ny fiangonana hikambananareo, na impiry ianareo no natao batisa; ny tarehy nankany aloha, nankany aoriana, izay fomba rehetra tianareo. Mandra-pametraka an’io Tombokase io eo aminareo, amin’izay fotoana izay dia tsy manana zo hiantso ny tenanareo ho nifandray tamin’ny Fanatitrareo ianareo.

⁷⁶ Ary inona ilay Tombokasen'Andriamanitra? Efesiana 4:30, manao hoe, "Aza mampalahelo ny Fanahy Masin'Andriamanitra, izay nanisiana tombokase anareo hatramin'ny Andro fanavotana anareo." Tsy avy amin'ny fifoahazana anankiray hatramin'ny hafa iray, fa voaisy tombokase Mandrakizay hatramin'ny Andro izay nanavotana anareo indray.

⁷⁷ Ary, tsarovy, raha tsy mbola tao amin'ny fisainan'Andriamanitra mihitsy ianareo, dia tsy hiaraka amin'Andriamanitra mihitsy ianareo. Firy no mahafantatra fa Izy dia mpanavotra? [Hoy ny fiangonana hoe, "Amena." —Mpand.] Eny, noho izany, ny zavatra rehetra navotana dia tsy maintsy miverina indray eo amin'izay nahalavoany. Noho izany raha tonga hanavotra antsika Izy, ahoana no hahafahantsika, nisy fotoana anankiray tsy nila navotana isika, avy eo isika rehetra dia "teraka tao amin'ny ota, notorotoronina tao amin'ny heloka, tonga teto amin'izao tontolo izao niteny lainga"? Izany dia mampiseho fa ny tena Kristiana dia toetra anankiray an'ny fisainan'Andriamanitra, talohan'ny nisian'ny tany anankiray, na kintana anankiray, na rivotra anankiray, na zavatra hafa. Mandrakizay izany, ary tonga Izy hanavotra antsika indray. Fisainan'Andriamanitra izany, voambara tao amin'ny teny anankiray, natao voaseho ary ni...nentina niverina indray ao amin'ny Fisainany.

⁷⁸ Havana Mahavotra! Izany no antony tsy maintsy nahatonga an'Andriamanitra ho isan-tsika, mba hanavotra. Tsy misy zavatra hafa afaka nanao an'izany. Ny Anjely anankiray tsy afaka nanao an'izany, tsy misy zavatra hafa. Tsy maintsy nidina Izy, nalaim-panahy tahaka antsika, mba hanavotra antsika.

⁷⁹ Mariho ankehitriny ilay taranaka ara-nofo an'i Abrahama. Ndao isika handinika ny sasany amin'ireo taranaka ara-nofo ireo, ka hahita raha mihazona ny Teniny miaraka amin'ilay taranaka ara-nofo Andriamanitra, dia Isaka izany. Ndao isika handinika ny sasany amin'ilay taranaka ara-nofo izay nino an'ilay teny fikasana feno an'Andriamanitra ka tsy nametraka fanontaniana. Ankehitriny tsarovy, nisy an'alinalina sy an'arivony ampitomboina arivo no voafora sy ny sisa rehetra, nefo dia mbola tsy Taranak'i Abrahama ihany. Azo antoka, "Tsy izay Jiosy ety ivelany akory no Jiosy; fa izay Jiosy ao anaty." Izy ireo, ny maro tamin'izy ireo, no tsy nahomby, tsy nahomby tanteraka.

⁸⁰ Jereo, tany an-efitra, hoy izy ireo hoe, "Izahay . . ." Tamin'ny andron'ny Paska, na teo amin'ny fisotroana teo amin'ilay loharano, Masindahy Jaona 6. Nifaly avokoa izy rehetra.

⁸¹ Hoy Jesosy hoe, "Izaho io Vatolampy izay tany an-efitra io. Izaho no Mofo izay avy tamin'Andriamanitra, avy tany Andriamanitra, raha misy olona mety mihinana an'izany dia tsy maty."

⁸² Hoy izy ireo hoe, “Ny razanay nihinana ny mana tany anefitra, nandrity ny efapolo taona.”

Hoy Izy hoe, “Fa izy ireo dia, izy rehetra, maty.”

⁸³ *Maty*, raiso io teny io dia araho izany, jereo hoe inona no dikan’izany, “Tafasaraka mandrakizay.” Kanefa, taranak’i Abrahama izy ireo. *Fahafatesana* dia midika “fisarahana, fandringanana, ringana tanteraka, fandringanana.” Jesosy dia nilaza fa maty izy ireo, ny tsirairay tamin’izy ireo, kanefa izy ireo dia Jiosy voafora.

⁸⁴ Hitanareo, ry havana mampalahelo, satria fotsiny hoe Metodista izahay, Batista, Presbyterana, nanao fanambarana kely, sy zavatra kely tahaka an’izany; ny devoly dia mbola mino betsaka lavitra noho isika.

⁸⁵ Fa tsy maintsy voatondro miaraka amin’Izany ianareo. Tsy maintsy manamarina an’Izany amin’io Andriamanitra, amin’ny alàlan’ny fanisiana tombokase miaraka amin’ny Fanahy Masina. Tsy mila fanontaniana ny amin’ny Teny!

⁸⁶ Raha hoy ianareo hoe, “Eny, ankehitriny, izany dia efa an’ny andro hafa,” misy zavatra tsy mety izany ao.

⁸⁷ Ahoana moa raha misy olona anankiray tonga mihazakazaka, ka miteny aminy ianareo fa mamiratra ny hazavana, nefo izy lasa midina any ambany rihana, manao hoe, “Laviko fotsiny izany. Laviko fotsiny izany. Tsy misy izany karazana hazavana izany. Tsy mino an’izany aho”? Nisy zavatra tsy mety ao amin’izany olona izany. Mety marary ara-tsaina izy. Raha mandà an’ireo tarany mafana sy ireo tahiriny mpanome fiainana izy, dia misy zavatra tsy mety ao aminy, ara-tsaina.

⁸⁸ Ary rehefa mahita ny Tenin’Andriamanitra ny olona anankiray, natao mazava teo anoloany, sy voatondro, ka avy eo dia manidy sy mampidina an’ireo lambam-baravarana’ny anaram-piangonany, dia misy zavatra tsy mety ao amin’izany olona izany, ara-panahy. Misy zavatra tsy mety ao aminy. Misy zavatra ara-panahy tsy mety ao. Tsy afaka mandray an’Izany fotsiny izy. “Jamba, nefo tsy mahafantatra an’izany,” manohy mankany amin’ny Fitsarana, ary Andriamanitra no ho mpitsara.

⁸⁹ Mariho rehefa izy ireo—izy ireo no nanao an’izany, ary ireo taranaka ankehitriny izay nino an’Izany, diniho izay nitranga. Ndaoo isika handinika ny sasany amin’izy ireo ankehitriny, taranak’i Abrahama.

⁹⁰ Ndaoo isika haka ireo zaza Hebreo, satria nijoro marina izy ireo ary tsy nanana fandeferana tamin’ilay fivavahana amin’ny sary vongana. Nolavin’izy ireo ny hiondrika teo amin’ny sary vongana anankiray izay nataon’ny mpanjakan’ilay firenena. Izy io dia natao avy tamin’ny lehilahy masina anankiray, ihany koa, ny sary vongan’i Daniela.

⁹¹ Izany dia mampiseho fa ilay taranaka Jentilisa dia nentina teo ambanin'ny lafiny sandoka, ny mivavaka amin'ny sary vongan'ny olona masina anankiray. Miafara amin'ny fomba mitovy izany, rehefa ho terena ny olona hivavaka amin'ireo sary vongan'ny olona. Miditra amin'ny alàlan'ny fanambarana izany, ny amin'i Daniela izay afaka nandika ny Teny, izay voasoratra tamin'ny sora-tànana teo amin'ny rindrina. Izany no fomba nidiran'izany, ary izany no fomba hiafarany, fomba mitovy, avy amin'ilay sary vongan'ny Jentilisa.

⁹² Mariho, nolavin'izy ireo ny hanao izany. Ary inona no nataon'izy ireo? Taranak'i Abrahama izy ireo izay nijoro marina teo amin'ny Teny, ary nahazo ny vavahadin'ny fahavaloo izy ireo, an'ny afo. Azon'izy ireo izany. Eny, ny Tenin'Andriamanitra dia marina.

⁹³ Daniela, nozahan-toetra ho an'ny fivavahana amin'ny Andriamanitra marina anankiray. Nozahan-toetra ho an'izany izy. Ary tamin'ilay fotoan'ny fizahan-toetra, dia nahatanty an'ilay fizahan-toetra izy. Ary inona no nataon'Andriamanitra, rehefa toy ny ovy voaendy izany ho azy, mba hilazantsika azy? Ary tsy fantatr'izy ireo izay hatao. Nomen'izy ireo ho sakafon'ny liona izy. Saingy naharitra marina an'ilay fizahan-toetra i Daniela, hoe misy Andriamanitra marina anankiray, ka nahazo ny vavahadin'ny fahavalony izy. Nakombon'Andriamanitra ny vavan'ilay liona.

⁹⁴ Naharitra marina teo amin'ilay teny nampanantenaina i Mosesy, teo anoloan'ireo mpaka tahaka sandoka, Jambra sy Jana, tao amin'ilay fizahan-toetra. Jereo, nihaona taminy Andriamanitra, niaraka tamin'ilay ivelan'ny voajanahary, niteny taminy mba handeha hanao an'ireo zavatra ireo, hampiseho an'ireo famantarana ireo, ary ny famantarana tsirairay dia nanana feo. Nandeha nidina avy hatrany i Mosesy, tena marina fotsiny arak'izay fantany. Natsipiny ireo tehina, ary nivadika ho menarana ilay izy. Fantatrareo ve hoe inona no nitranga? Indro tonga ireo mpaka tahaka ary nanao an'ilay zavatra mitovy.

⁹⁵ Ankehitriny, tsy nanangana ny tànany i Mosesy, nanao hoe, "Eny, ataoko fa diso daholo ilay izy." Nijoro teo izy ary niandry an'Andriamanitra. Nijoro marina izy. Tsy nampaninona na firy na firy ireo mpaka tahaka nisy teo, nijoro marina izy. Ary rehefa nijoro marina teo amin'ilay fanirahany izy, hitondra an'ireo olona ireo hivoaka avy amin'io toerana io. Rehefa nanakanana ny lâlany ilay vavahadin-drano, dia navelan'Andriamanitra ho azony izany, ary Izy no nanokatra an'ilay vavahady tamin'ny alàlan'ny Andry Afo izay nitarika azy. Nentiny ho any amin'ilay tany nampanantenaina ny olona.

⁹⁶ Josoa, mpitarka lehibe anankiray hafa. Roa ihany tamin'ny...no nuditra tao amin'ilay tany nampanantenaina,

Josoa sy Kaleba. Tonga teo amin'ny toerana anankiray antsoina hoe Kadesy izy ireo, izay ny afovoan'ny tany tamin'izany fotoana izany, ny antony dia satria izany no sezam-pitsarana. Ary, oh, naniraka mpisafy roa ambin'ny folo izy ireo mba hijery an'ilay tany, ary niverina ireo roa ambin'ny folo tamin'izy ireo.

⁹⁷ Hoy ny folo tamin'izy ireo hoe, “Oh, tena asa be loatra ilay izy. Tsy ho vitantsika mihitsy izany. Eny, ireo olona ireo, toy ny tsingetana isika eo anilan’izy ireo.”

⁹⁸ Fa inona no nataon'i Josoa? Nampangina ny olona izy. Hoy izy hoe, “Andraso iray minitra. Mahery lavitra isika haka azy, tsy mampaninona na kely toy inona aza isika, na toy ny inona ny havitsiana.” Inona no nataony? Nijoro marina teo amin'ilay teny fikasana izy, “Homeko anareo io tany io,” saingy isaky ny tondro iray amin'izany dia iadivanareo.

⁹⁹ Mino an'izany ve ianao, ry neny? Efa nomen'Andriamanitra anao ny fahasitrananao, saingy ianao hiady isaky ny tondro iray amin'izany. “Izay rehetra diavrin'ny faladihan'ny tongotrareo, dia Homeko anareo ho fananana.” *Dian-tongotra* dia midika “fananana.” Anareo avokoa izany, ny teny fikasana tsirairay dia anareo, saingy ianareo hiady isaky ny tondro iray amin'ilay lâlana fidirana ankehitriny.

¹⁰⁰ Ankehitriny, Josoa dia nahafantatra an'izay nolazain'Andriamanitra. Taranaka anankiray an'i Abrahama izy. Hitanareo? Hoy izy hoe, “Mino izany aho, fa Andriamanitra no nanome antsika ny tany, ary isika dia mahery lavitra haka azy.” Ary satria naharitra an'ilay fizahan-toetra izy, nanohitra an'ilay vondron'ny Israélita manontolo, ny foko rehetra sy ny olona rehetra dia nitoloko sy nitomany. Hoy Josoa hoe, “Mipetraha tsara ianareo! Andriamanitra no nanao an'ilay teny fikasana.”

¹⁰¹ Tsy mampaninona na toy inona ny halehibenareo, ary na inona ilay fanoherana, ary na inona no nolazain'ny dokotera, Andriamanitra no nanome an'ilay teny fikasana. Miankina amin'Andriamanitra ny fanaovana an'ilay izy.

¹⁰² Inona no nataony? Rehefa nandeha nidina teo amin'ny onin'i Jordana izy, dia nahazo an'ilay vavahady izy. Izany no—no nataony.

¹⁰³ Jeriko, nihidy tahaka ny sokatra ao amin'ny akora. Inona no nataony? Nahazo an'ilay vavahady izy.

¹⁰⁴ Ka indray andro aza rehefa niezaka ny haka azy ny fahavalony, dia nahazo ny vavahadin'ny fahavalony izy hany ka nodidiany hijanona ny masoandro. Ary nankato azy ilay masoandro, ka tsy nihodina nandrity ny efatra amby roapolo ora.

¹⁰⁵ Andriamanitra dia marina eo amin'ny Fampanantenany, tsy mampaninona izay tsy maintsy Hataony; fohanany ny

Lanitra mialohan'ny Hamelany ny Teniny ho resy. Izy tsy nanao teny fikasana anankiray izay tsy Azony ho tazonina mihitsy. "Izaho no Tompo izay manasitrana ny aretinao rehetra. Raha mametraka ny tànany eo amin'ny marary izy ireo, dia ho sitrana ireny." Amena. "Raha mino ianao, dia azo atao ny zavatra rehetra."

¹⁰⁶ Josoa dia nino an'izany, na dia tsy maintsy najanon'Andriamanitra tsy nihodina aza ny tany. Nihazona an'izany tamin'ny alàlan'ny Hery hafa, ny Heriny Manokana; ka tsy nihodina nandritry ny efatra amby roapolo ora mihitsy ny tany, mandra-pahatongan'i Josoa namaly faty ny fahavalony. Nalainy ireo vavahady. Izany tokoa, nataony izany. Marina foana Andriamanitra.

¹⁰⁷ Ankehitriny maniry aho ny hananantsika fotoana hahitana mahery fo maro, saingy eo amin'ny folo minitra eo sisa no ananako ankehitriny. Jereo, ireo mahery fo sarobidy rehetra ireo, ny naха-izy azy ireo, ary mpiady lehibe an'ny finoana, izy rehetra dia maty teo amin'ny vavahadin'ny fahafatesana. Izy rehetra dia nilofika, teo amin'ny vavahadin'ny fahafatesana mihitsy.

¹⁰⁸ Avy eo dia tonga ilay Taranaka Mpanjaka an'i Abrahama. Izy rehetra ireo dia taranaka ara-nofo tamin'izany, avy tamin'i Isaka. Saingy indro tonga ilay Taranaka Mpanjaka an'i Abrahama, izay Kristy izany, Taranak'i Abrahama an'ny finoana; izany no tokony haha-izy antsika, jereo fotsiny hoe ahoana na izany isika na tsia. Ilay taranaka ara-nofo dia tandindona anankiray fotsiny. Ny sisa rehetra dia teraka tamin'ny fahaterahana ara-nofo, fa Izy kosa dia tonga tamin'ny fahaterahana ara-virijiny. Hitanareo, tsy avy amin'ny taranak'i Abrahama izany, izany hoe, Jiosy anankiray. Tonga tamin'ny alàlan'ny taranaky ny finoan'ny teny fikasana Izy. Ary, avy eo, isika dia natao ho Zanany, tamin'ny alàlan'io Lehilahy io.

¹⁰⁹ Diniho izay Nataony. Rehefa tetu an-tany Izy, dia nandresy Izy ary nahazo ny vavahady tsirairay izay nananan'ny fahavaloo; ilay Taranaka Mpanjaka. Izy no nampanantena an'izany tamin'ny alàlan'ny Teny. Nandresy an'izany Izy. Nandresy ny vavahadin'ny aretina Izy, ho antsika. Hanao an'izany no Nahatongavany. Izy, tsarovy, ry olona marary, nandresy an'io vavahady io Izy. Tsy mila mandresy an'io ianareo; Izy no nandresy an'io. Ireo olon-kafa no tsy maintsy mandresy an'ireo vavahadiny manokana. Fa ianareo tsy mila mandresy; efa resy izany. Nandresy ny vavahadin'ny aretina Izy. Ary inona no Nataony rehefa nandresy an'ireo vavahadin'ny aretina Izy, nilaza fa hanao Izy? "Izay rehetra angatahinareo ety an-tany, ary izay rehetra afatotraeo ety an-tany, dia Hafatony izany any Andanitra," hanome antsika ny fanalahidin'ilay vavahady.

¹¹⁰ Nandresy ny vavahadin'ny fakam-panahy Izy, tamin'ny alàlan'ny Teny. Ary ny fanalahidy dia, "Tohero ny fahavaloo, dia

handositra anareo izy.” Nandresy an’izany rehetra izany Izy, nandresy ny aretina tsirairay.

¹¹¹ Nandresy ny fahafatesana Izy, ary nandresy ny helo Izy. Nandresy ny fahafatesana sy ny helo Izy. Nandresy an’izay tsy azon’ny hafa noresena Izy, satria izy ireo dia avy amin’ilay taranaka ara-nofo. Ity dia ilay Taranaka ara-panahy. Nandresy ny vavahadin’ny fasana Izy, ary nitsangana tamin’ny andro fahatelo, ho fanamarinana antsika.

¹¹² “Ary ankehitriny isika dia mihoatra noho ny mpandresy.” Mandeha miditra amin’izany fotsiny isika, amin’ny mahampandova anankiray, “Mihoatra noho ny mpandresy.” Ankehitriny isika dia misahana fahavaloo anankiray efa resy. Ny aretina efa resy. Ny fahafatesana efa resy. Ny helo efa resy. Ny zavatra rehetra efa resy. Oh, oadray! Naniry aho ny mba banana ny indroa amin’ny hahabeko, ankehitriny mahatsapa aho angamba fa indroa tsara. Isika dia miady amin’ny fahavaloo efa resy.

¹¹³ Tsy mahagaga raha afaka nilaza i Paoly, rehefa nanao boloky anankiray izy ireo, mba hanapahana ny lohany, dia hoy izy hoe, “O ry fahafatesana, aiza ny fanindronanao? Asehoy ahy hoe aiza no hahafahanao hanao ahy holanolana sy hidradradradra. Ry fasana, aiza ny fandresenao, fa ianao dia mihevitra fa hanao ahy ho lasa bobongolo ao? Hanondro anao ho foana anankiray aho any; ary izaho dia ao Aminy, hanangana ahy Izy amin’ny andro farany.” Fahavaloo efa resy anankiray!

¹¹⁴ Ilay Taranaka Mpanjaka an’i Abrahama! Ankehitriny, ilay taranaka ara-nofo dia tsy afaka nanondro an’Izany. Fa ilay Taranaka Mpanjaka no afaka mandresy, efa naharesy, satria Izy no nandeha teo alohantsika ary nandresy ny vavahady rehetra ho antsika. Izy ankehitriny dia, taorian’ny roa arivo taona, mitsangana eo afovoantsika Izy, ilay Mpandresy mahery. Tsy hoe nandresy ny aretina fotsiny Izy... Nandresy ny aretina Izy. Nandresy ny fakam-panahy Izy. Nandresy ny fahavaloo tsirairay Izy. Nandresy ny fahafatesana Izy. Nandresy ny helo Izy. Nandresy ny fasana Izy, ary nitsangana indray. Ary roa arivo taona aty aoriana, indro Izy mitsangana eo anivontsika, izao tolakandro izao, manondro ny Tenany, ilay Mpandresy mahery! Amena. Mbola eto Izy, velona, manamarina ny Fampanantenany, Taranaka Mpanjaka an’i Abrahama! Oh, oadray! Ary ny fahavaloo dia...

¹¹⁵ “Handresy ny vavahadin’ny fahavalony izy.” Ho an’ireo, Taranaka, dia mijoro eto Izy velona mba hanamarina ny Tenany amin’iza? Amin’ireo Taranaka voafidy mialoha izay afaka mahita an’izany. Nandresy an’izany Izy. Ireo, taorian’ny fizahan-toetrany, an’ny teny fikasan’ny Teny, izy ireo dia voaisy tombokase tamin’ny alàlan’ny Fanahy Masina, ho ao amin’ny Vatan’i Kristy, ho an’ireo no nanamarinana (ny inona?) ny

Hebreo 13:8 ho marina. Voaisy tombokase ao anatiny izy ireo tamin'ny alàlan'ny Fanahy Masina, ilay Fanahy Masina izay tamin'ny... Abrahama dia efa nahita an'izany mialoha; tamin'ny alàlan'ny finoana no ninoany an'izany. Ary ankehitriny isika dia mandray an'Izany, mijery any aoriana amin'ilay teny fikasana ny amin'izay Nolazainy. Ary Jaona 14:12 dia nohamarinina amin'izao andro farany izao, tamin'ny alàlan'ilay Mpandresy nitsangana, Izy Tenany.

¹¹⁶ Tsy karazana rafitra; fa Olona anankiray, Kristy, ilay Mpandresy. Tsy ny fiangonako, tsy ny fiangonako Batista, na ny Presbyterana anareo, Metodista, na ireo Pentekotista, tsy amin'ny alàlan'izany; fa amin'ny alàlan'i Jesosy Kristy. Velona Izy androany. Nitsangana teo ambonin'izany Izy, ho fanamarinana antsika.

¹¹⁷ Ary satria velona Izy, dia nilaza Izy fa velona koa isika. "Tsy ny mofo ihany no iveloman'ny olona, fa ny Teny rehetra," tsy ampanhan'ny Teny, "ny Teny rehetra izay aloaky ny vavan'Andriamanitra." "Izaho no Fananganana ny maty sy Fiainana. Izay mino Ahy, na dia maty aza izy, dia ho velona izy. Izay velona ka mino Ahy dia tsy ho faty intsony. Mino izany va ianao?" Alaivo ny vavahadin'ny fahavalox tsirairay!

¹¹⁸ Ahoana no nahafahany nandresy an'i Bosworth, rehefa Andriamanitra... Bosworth dia tao amin'ilay Mpandresy. Ary izany no antony nanaovany hoe, "Ny ora sambatra indrindra an'ny fiainako dia izao ankehitriny izao." Ah-hah. Fantany io Mpandresy Mahery io. Ny tokiny dia nitoetra teo Aminy. Oh, oadray! Ankehitriny isika dia afaka mihira:

Velona, nitia ahy Izy; maty, namonjy ahy Izy;
Nalevina, nitondra ny otako lavitra Izy;
Nitsangana, nanamarina ahy maimaimpoana
mandrakizay Izy;
Indray andro ho avy Izy, O andro be voninahitra!

¹¹⁹ Ho an'ireo izay noheverina fa resy. Eddy Perronet, mino aho fa izay ilay izy, tsy afaka nivarotra an'ireo hirany Kristiana izy. Tsy nisy olona tia azy ireny. Tsy nisy nilan'izy ireo an'izany. Oh, resy, ary mpino anankiray! Indray andro, tonga teo aminy ny Fanahy Masina. Ilay vavahadin'ny fahavalony, izay tsy nandray an'ilay tononkalony! Nandona azy ny Fanahy, ary norombahany ny penina anankiray, navelan'Andriamanitra nanoratra an'ilay hira fanokanana izy.

Ny dera rehetra ho an'ny herin'ny Anaran'i Jesosy!
Aoka ireo Anjely hiankohoka;
Ento ilay diadem'an'ny mpanjakana,
Ary satrohy ho Tompon'ny rehetra Izy.

¹²⁰ Fanny Crosby jamba, indray mandeha. Hoy izy, "Inona no dikan'izany amina?" Nisy... Tsy nivarotra ny fizokiany izy tahaka ny nataon'ilay Elvis Presley Pentekotista, na tahaka ny

nataon'i Boone an'ny fiangonan'i Kristy, na tahaka ny nataon'i Red Folley, nivarotra an'ireo talentany tamin'izao tontolo izao; manana toeram-pametrahana Cadillacs izy ireo, ary dolara an-tapitrisany, kapila volamena. Fa i Fanny Crosby kosa dia nijanona marina teo amin'ny toerany. Nidradradradra izy:

Aza mandalo ahy, O ry Mpamonjy mora,
Henoy ny antsoko tsotra;
Rehefa eo amin'ny hafa Ianao no miantso,
Aza mandalo fotsiny ahy.

Ianao ilay Reniranon'ny fiononako rehetra,
Mihoatra noho ny fiainana ho ahy,
Iza no ahy eto an-tany ankoatra Anao?
Na iza any An-danitra afa-tsy Ianao?

¹²¹ Hoy izy ireo, “Ahoana moa ianao jamba io rehefa tonga any An-danitra ianao?”

Hoy izy hoe, “Ho fantatro Izzy, na izany aza.”

Hoy izy, “Ahoana no hahafantaranao Azy?”

Hoy izy, “Ho fantatro Izzy.”

Hoy izy, “Rtoa. Crosby, ianao anie afaka hahazo dolara an-tapitrisany.”

Hoy izy hoe, “Tsy mila an'ilay dolara an-tapitrisany aho.”

¹²² “Ahoana no hahafantaranao Azy?” Hoy izy hoe:

Ho fantatro Izzy, ho fantatro Izzy,
Ary voavotra hijoro eo Anilany aho;
Ho fantatro Izzy, ho fantatro Izzy.

¹²³ “Raha tsy afaka mahita Azy aho, dia ho tsapako ireo diam-pantsika eo amin'ny Tànany.” Nandresy ny vavahadin'ny fahavalony izy. Eny.

¹²⁴ Raha ao amin'i Kristy ianareo! Hoy Izzy hoe, “Raha mitoetra ato Amiko ianareo, ary ny Teniko mitoetra ao anatinareo; angataho izay fanalahidy tianareo, angataho izay vavahady tianareo halaina; angataho izay tianareo, fa homena anareo izany. Raha mitoetra ato Amiko ianareo, ary ny Teniko mitoetra ao anatinareo, dia azonareo alaina ny vavahadin'ny fahavalо rehetra izay tonga eo anoloanareo.” Taranaka mpanjaka an'i Abrahama ianareo.

¹²⁵ Karazana vavahady inona no mitsangana eo anoloanareo? Raha aretina izany, mihoatra noho ny mpandresy ianareo amin'izany. Avy eo dia afaka milaza isika, mihira an'ity hiram-pahasoavana traianiny ity:

Ny teny fikasana rehetra ao amin'ny Boky dia ahy,
 Ny toko rehetra, ny andininy rehetra dia... ary
 tena Masina,
 Izaho dia matoky ny Fitiavany Masina,
 Satria ny teny fikasana rehetra ao amin'ny Boky
 dia ahy.

¹²⁶ Mihoatra noho ny mpandresy isika, ary ny Taranak'i Abrahama no hahazo ny vavahadin'ny fahavaloo! Rehefa milaza izy ireo fa izany Zavatra izany dia tsy afaka hitranga, rehefa tian'izy ireo ny hiantso an'Izany ho devoly, na Belzeboba, na zavatra hafa, Andriamanitra dia azo antoka fa handresy ny vavahady tsirairay ka haka ny fahavaloo.

Ndao isika hivavaka.

¹²⁷ Tompo, enga anie ny Taranak'i Abrahama... Fantatro fa ho hitan'izy ireo Izany, Tompo. Ahoana no hahafahan'ilay Teny hilatsaka nefo tsy mahadona an'ilay tena Tany? Mivavaka aho mba hahalalan'izy ireo ankehitriny. Enga anie ny olona tsirairay izay miditra ao amin'ny laharam-bavaka mba ho sitrana.

¹²⁸ Tompo, raha mbola misy eto sasany, izay tsy mbola nanao ny fifonany, tsy nitsangana am-pahibemaso sy nitsangana ho an'i Kristy, vonona ny handà an'ireo fanekem-pinoana rehetra sy ireo zavatra mangatsiaka, ara-fombafomba, zavatra maty izay nitondra azy ireo lavitra Anao. Enga anie izy ireo hitsangana ankehitriny, ka hanao hoe, "Hanaiky Azy ho Mpamonjiko aho." Amin'izay fotoana izay dia hitsangana ho azy ireo Ianao amin'io Andro io.

¹²⁹ Raha mbola manondrika ny lohantsika isika, raha misy ireo izay te-hitsangana fotoana fohy fotsiny, ho an'ny vavaka, hanao hoe, "Te-hitsangana ho Azy aho ankehitriny, mba Hitsanganany ho ahy amin'io Andro io, ao amin'ny Fanatrehamy Masina." Mangataka aminareo aho, ary manome anareo ny fanararaotra mba ho voapetraka ao amin'ilay Bokin'ny Fiainana ny anaranareo, raha hitsangana ianareo. Tsy mangataka aminareo aho hikambana amin'ny fiangonana. Mangataka aminareo aho ho tonga eo amin'i Kristy, raha eto ianareo ka tsy mahafantatra Azy.

¹³⁰ Andriamanitra hitahy anao, anaka. Misy hafa ve, hanao hoe, "Izaho—izaho te-hitsangana ankehitriny." Andriamanitra hitahy anao, ramatoa. Andriamanitra hitahy anao, ranabaviko. "Izaho te..." Andriamanitra hitahy anao. Andriamanitra hitahy anao. "Raisoko ny toerako, izao tolakandro izao." Ireto olona mahafinaritra ireto, lehilahy sy vehivavy, mitsangana, "Haka ny toerako aho, izao tolakandro izao."

¹³¹ Ary amin'izany andro izany rehefa milaza ilay dokotera hoe, "Eny, ilay trotraka; ny ràny milatsaka, ny fahafatesana dia eo amboniny, na eo amboniny." Na, indray maraina any, dia ho tsaroanareo ny toeranareo. Mijoroa ho Azy ianareo ankehitriny.

¹³² “Raha menatra Ahy eo anatrehan’ny olona ianareo, Izaho ho menatra anareo eo anatrehan’ny Raiko sy ireo Anjely masina. Fa raha hanaiky Ahy eo anatrehan’ny olona ianareo, dia hanaiky azy Aho eo anatrehan’ny Raiko sy ireo Anjely masina.”

¹³³ Andriamanitra hitahy anao, ranabaviko. Hisy ve sasany ery amin’ny lavarangana eny ho eny? Izao ankehitriny izao, raha miandry isika. Ny sasany amin’izy ireo, mbola misy ve eny amin’ny efitra lehibe? Eny àry. Tazoniko amin’ny teninareo ianareo, ry sakaiza.

¹³⁴ Raha milatsaka amin’ny Tany mahavokatra ny Teny, tahaka an’ilay vehivavy kely teo amin’ny fantsakana, izy—izy dia nahalala. Naseho tany An-danitra izy, hatramin’ny fano-... talohan’ny fanorenana an’izao tontolo izao. Rehefa nandona an’Izany ilay Hazavana, dia fantany Izany.

¹³⁵ Andriamanitra hitahy anao, rahalahiko. Izany dia mahery fo anankiray... Andriamanitra hitahy anao, rahalahiko. Mety ho nahavita zavatra lehibe ianareo teo amin’ny fiainanareo; manao ny zavatra lehibe indrindra izay mbola tsy nataonareo ianareo, ankehitriny, mijoro ho an’i Kristy.

¹³⁶ Rainay An-danitra, nilatsaka eo amin’ny karazana tany ilay voa, izao tolakandro izao. Mahita ny Aina maniry izahay. Mitsangana amin’ny tongony ireo lehilahy sy vehivavy, ary ilay mason’Andriamanitra mahita ny rehetra, Izay manerana, tapi-pahaizana, mahery indrindra, no mahita azy ireo. Anao izy ireo, Ray. Atolotro Anao izy ireo ankehitriny, toy ny amboara.

¹³⁷ Enga anie izao fahatsapan’izy ireo izay mijoro eo izao ankehitriny, mahafantatra izay nataony, mahafantatra hoe inona no dikan’izao, fa mitsangana izy ireo maka ny toerany miaraka amin’ilay vitsy natao tsinontsinona an’ny Tompo. Enga anie izy ireo mba haharitra marina mandra-pahatongan’ilay Andro izay hijoroan’izy ireo ao amin’ny Fanatrehanao, amin’izay fotoana izay ilay Feo mahate-ho tia dia hanao hoe, “Eny, indray andro tao amin’ny Baton Rouge, na toerana anankiray nantsoina hoe Denham Springs, dia njoro ho Ahy izy, Ray, ankehitriny dia hijoro ho azy Aho, na ho azy.” Ekeo izany, Tompo. Anao izy ireo, amin’ny Anaran’i Jesosy. Amena.

Andriamanitra hitahy anareo, noho ny fijoroanareo. Andriamanitra mbola...

¹³⁸ Ankehitriny ataovy ity zavatra anankiray ity ho ahy. Tadiavo, raha eny amin’ny manodidina an’ireo pasitera ireo ianareo no mipetraka, jereo ny sasany, miresaha amin’izy ireo. Raha tsy mbola vita batisa ianareo, tamin’ny batisa Kristiana, ataovy izany. Ataovy ho isan’ireo mpino ny tenanareo ankehitriny, tena mpino, fa tsy mody-mpino; tena mpino.

Raha mbola mivavaka isika, dia ndao isika hivavaka ho an’ireto mosara ireto.

¹³⁹ Ray An-danitra, handeha ireto mosara ireto ankehitriny; aiza, tsy fantatro. Angamba karazana dadabe jamba antitra anankiray mipetraka any anatin'ny honahona kely anankiray any ho any, miandry an'ity mosara ity ho tonga; zaza kely anankiray matory any eo ambonin'ny fandrian'ny hopitaly; reny anankiray mitsangana, hendratrendratra, miandry ny fiverenan'ilay mosara. Ray An-danitra, mivavaka aho mba Ianao no handeha hiaraka amin'izy ireto. Ary ho famantarana ny Fanatrehao androany, ary ny finoanay Anao raha nitory ny Teninao izahay, dia enga anie ilay finoana izay tao amin'i Abrahama, ary ilay finoana izay novokarina sy nomena anay tamin'ny alàlan'i Jesosy Kristy, enga anie izany no hiaraka amin'ireto mosara ireto ka hanasitrana ny olona tsirairay izay hametrahana an'izany. Alefanay izy ireto, amin'ny Anaran'i Jesosy. Amena.

¹⁴⁰ Ankehitriny vetivety fotsiny, alohan'ny hiantsoantsika ny laharam-bavaka. Ilay Andriamanitra mahery indrindra sy mahery, ilay Anankiray lehibe, ilay Anankiray tena ampy... Azafady, ry sakaiza, izaho—izaho dia hanomboka hivavaka ho an'ny marary, ary izaho... Angamba, rehefa midina isika, izaho—izaho mety tsy hilaza na inona na inona aminareo; ny sasany aminareo mety handeha alohan'izany fotoana izany. Na iza na iza ianareo, raha tsy nitsangana akory aza ianareo, vetivety teo, ka tsy azonareo antoka...

¹⁴¹ Raha mpikambana an'ny fiangonana anankiray ianareo, dia zavatra tsara izany, saingy tsy ampy tsara izany. Hitanareo, ilay mpanapaka tanora dia mpikambana anankiray an'ny fiangonana. Hitanareo? Nanontany an'i Jesosy izy ny amin'izay azony hatao mba hahazoana ny Fiainana Mandrakizay. Tsy nanaiky an'Izany mihitsy izy. Lasa izy nandeha. Zavatra adaladala toy ny inona no nataon'ity lehilahy tanora ity. Aza maka ny toerany. Tsaroanareo ve ny fotoana farany nanondroana azy? Taty aoriana kely, nambinina izy. Lasa niha-nanan-karena izy. Tonga teo amin'ny toerana anankiray izy izay ny sompiny mihitsy aza no nitresaka. Saingy avy eo rehefa hitantsika ny fanondroana azy farany, tao amin'ny helo, nampijalian'ny lelafo. Aza, aza mamela an'izany hitranga aminareo. Maneke an'i Kristy.

¹⁴² Ianareo olona tanora ireo, ianareo tovovavy tanora ireo, tovolahy tanora, eo amin'ny fiolahan'ny fiainana mihitsy, azafady ataovy izao. Henoy aho, amin'ny maha—amin'ny maharahalahinareo, anankiray izay tia anareo. Eto aho satria tiako ianareo. Tiako Andriamanitra, ary tiako ianareo, ary tsy afaka mitia an'Andriamanitra aho raha tsy tia anareo.

¹⁴³ Tiako mihitsy raha ny marina, raha nanana fankasitrhana hatao ianareo, ataovy amin'ny zanako lahy ery io izany, na ny iray amin'ireo zanako. Avelao fotsiny aho... Izaho, izaho tsy hila an'izany. Ny raiamandreny rehetra dia hanao an'izany;

Andriamanitra koa hanao an'izany. Hitanareo? Tiavo ny Olony. Mifankatiava ianareo.

¹⁴⁴ Hoy ianareo hoe, "Inona no andevilevenao azy ireny?" Ny fitiavana marina dia manitsy.

¹⁴⁵ Raha mipetraka eny an-dàlambe ny zanakareo; hoy ianareo hoe, "Eny, eo Junior no mipetraka. Tsy tokony hanao an'izany izy, saingy tsy te-handratra an'ilay fihetseham-po keliny aho." Tsy tia azy ianareo. Ho faty eo izy. Raha tia azy ianareo, dia ho entinareo miditra izy dia hanome kapoka azy. Hanao azy hankato ianareo.

¹⁴⁶ Izay no fomba ataon'Andriamanitra. Ny fitiavana dia manitsy, ary izany no fitiavana marina.

¹⁴⁷ Rehefa mitsangana ny mpitory teny anankiray ka mamela anareo vehivavy hanapaka ny volonareo, ary manao pentipentina sy ny karazany, ka tsy manitsy anareo, dia tsy misy fitiavana marina ao amin'izany; ary aza antsoina ho izany. Ary mamela anareo lehilahy hanambady intelo na in'efatra, ary ireo zavatra hafa rehetra ireo, ka milamindamina miaraka amin'izany, tsy misy fitiavana marina ao amin'izany. Mamela anareo hikambana amin'ny fiangonana anankiray, ary mitehatehaka anareo ao amin'ny lamosina, ary manempotra anareo amin'ny karazana fanekem-pinoana, avy eo, "Izao ihany no zavatra hataonareo, dia ny mikambana amin'ny fiangonana masina," tsy misy fitiavana ao amin'izany. Fa, na, tena very tanteraka ilay olona, izy tenany, tsy mahita izy.

¹⁴⁸ Ny fitiavana marina dia manitsy, ary mitondra anareo miverina amin'ny Tenin'Andriamanitra.

¹⁴⁹ Jereo Jesosy, ahoana, inona no Nolazainy, satria Tiany izy ireo, hany ka maty Izy teo amin'ny toeran'izy ireo, rehefa nangataka ny Ràny mihitsy aza izy ireo.

¹⁵⁰ Ankehitriny enga anie ilay Fanahy Masina lehibe...Te-hiandry iray minitra fotsiny aho. Miandry aho mandrapahatongan'ilay hosotry ny Fanahy Masina eo amiko, alohan'ny hanombohantsika. Efa avy nitory teny aho. Misaotra anareo, noho ny fiaraha-miasanareo.

¹⁵¹ Ankehitriny, ny tsirairay ato, na aiza no misy anareo, na aiza na aiza ato amin'ny trano, mivavaha fotsiny mandritry ny iray minitra, manao hoe, "Tompo Jesosy, ampio aho! Ampio aho! Avelao aho hikasika ny Akanjonao." Jesosy no nilaza, fantatrareo, rehefa nikasika ny Akanjony ilay vehivavy, Izy tsy nahatsapa an'ilay izy, ara-batana, saingy njery manodidina Izy ary nahafantatra hoe iza izy sy izay nataony. Izy no Jesosy tsy miova izao tolakandro izao, Mpisoronabe anankiray izay azo kasihan'ny fahalementsika.

¹⁵² Mino ve ianareo, ny tsirairay aminareo ankehitriny, fa marina izany, fa ilay Andriamanitra izay nanao an'izany teny

fikasana izany, izao indray mandeha izao indray (ary enga anie Izy haneho an'izany) fa miaina ao amin'ny andron'i Sodoma isika? Firy no mino an'izany, ato amin'ny trano, atsangano fotsiny ny tànanareo.

¹⁵³ Isika dia miaina, tahaka ny tamin'izany, ao Sodoma. Ny rafitra rehetra dia lasa voaloto avokoa, ny rafitra eran-tany, ny zavatra rehetra, ny rafitry ny fiangonana, ny rafitra arapolitika. Tsy misy na inona na inona. Ny politika dia tena lo. Ireo rafitra, manerana ny rehetra, ireo mpanao didy jadona antsika, fahalovana daholo izany. Ny fiangonana ao anatin'izany toerana izany. Ireo fianakaviana ao anatin'izany toerana izany. Fahalovana fotsiny ilay izy, Sodoma!

¹⁵⁴ Noho izany, tsarovy, Andriamanitra dia efa nanao an'izany teo anatrehanareo, koa tsarovy fa nilaza Izy fa hampiseho ny Tenany ao amin'nynofon'olombelona Izy, ary hanao tahaka ny Nataony teo anatrehan'i Sodoma, talohan'ny nidiran'ilay Zanaka nampanantaina teo amin'ny sehatra. Nampanantena Izy fa haniraka anankiray izay hialoha lâlana an'io Zanaka nampanantaina io, tahaka ny Nataony tamin'ilay voalohany, izay hampiditra; ary hoy Izy hoe, "Rehefa haseho ny Zanak'olona."

¹⁵⁵ Tsy mahafantatra anareo aho. Eny, Ramatoakely Thompson, io aretim-behivavy sy fahasaratana io, mino ve ianao fa hanao anao ho tsara Andriamanitra? Afaka mino an'izany ve ianao? Hino ve ianao? Ramatoakely, Ramatoakely Thomas, mino ve ianao fa hanao anao ho tsara Izy? Atsangano ny tànanao, àry.

¹⁵⁶ Misy ramatoa anankiray mipetraka aorianao mihitsy. Mivavaka izy. Tratry ny aretin-kozatra izy.

¹⁵⁷ Anankiray mipetraka eo akaikiny, dia aretim-bavony, mivavaka koa. Ho afaka aminao izany, aza miraharaha ianao. Tsy avy eto ianao. Avy any Mississippi ianao. Ianareo no Atoa. sy Rtoa. Kramer. Raha mino amin'ny fonareo rehetra ianareo, dia hanao anareo ho tsara Jesosy Kristy. Raha afaka mino an'izany ianareo. Mino ve ianareo? Amin'izay fotoana izay dia afaka mahazo an'izany ianareo. Eka. Atsangano ny tànanareo mba ho hitan'ny olona fa ianareo izany.

¹⁵⁸ Ary tsy mahafantatra an'ireo olona ireo aho. Tsy mbola nahita azy ireo mihitsy aho, teo amin'ny fiainako. Tsy maintsy mino ianareo, ry sakaiza. Manondro ny Tenany Izy. Mino izany ve ianareo, amin'ny fonareo rehetra? [Hoy ny fiangonana hoe, "Amena."—Mpand.]

¹⁵⁹ Nahoana ianao no nanetsika ny lohanao, tompoko, ka mijery ahy tahaka an'izao? Eny, tompoko. Satria nanao izany ianao, dia hiresaka aminao iray minitra aho. Ianao dia karazana lehilahy be taona anankiray mipetraka eo io mihitsy, mijery ahy. Nijery ahy izy, miaraka amin'ny tena fahatsorana. Nino an'izany izy. Mivavaka ho an'ny olona anankiray izay tratry

ny fahatoranana ianao. Saingy—saingy ny zavatra lehibe izay ivavahanao, ianao dia mila, ianao dia mitady ny batisan'ny Fanahy Masina. Marina izany. Ah-hah. Marina izany. Raha mino izany ianao! Ilay ramatoa, ianao dia mitady asa. Ankoatr'izany, mba hahafantaranao fa mpaminanin'Andriamanitra aho, na mpanompo, dia natao fandidiana indroa ianao. Namela karazana faharerahana aminao izany. Ireo karazana toe-javatra rehetra, olana ara-panahy. Te-hiteny aminao aho fa efa vita ny amin'izany rehetra izany. Ny finoanao no nanao anao ho tsara.

¹⁶⁰ [Elanelana tsy voaraki-peo—Mpand.] . . . mipetraka eo akaikinao eo mihitsy. Mivavaka izy. Mijere aty. Mandre anao Izy, ary nikasika Azy ianao. Tsy mahafantatra anao aho, fa Izy no mahafantatra. Hiteny aminao aho hoe inona no nivavahanao. Hino amin'ny fonao rehetra ve ianao? Tratry ny aretin'ny tranon'afero ianao, mivavaka ianao. Mino ve ianao fa hanasitrana anao Andriamanitra ary hanao anao ho tsara? Ianao no Rtoa. Smith. Marina izany. Atsangano ny tànananao.

¹⁶¹ Hitanareo, manondro ny Tenany Izy. Inona izany? Izany no Taranak'i Abrahama, ilay finoana izay nananan'i Abrahama, ny Tompo Jesosy Kristy eo anivontsika, manamarina ny Teniny, miaraka amin'ireo famantarana izay manaraka.

¹⁶² Iza, firy ny karatra izay hivavahana, atsangano ny tànanareo, azonareo ve ny karatrareo? Oh, tsaratsara amintsika ny manomboka ny laharan-bavaka.

¹⁶³ Hitanareo, mahafantatra ianareo sa tsy izany? Ankehitriny io fanahy io tsy hoe fotsiny . . . Tsy manasitrana izany. Manondro fotsiny izany hoe eto Izy. Ireo pasiteranareo dia manana mihitsy an'izany fahefana mivavaka ho an'ny marary izany. Tsy manao an'izany izy ireo; tsia, tsia tokoa. Fa izy ireo—fa izy ireo dia manana mihitsy an'izany fahefana izany, "Izao famantarana izao no hanaraka an'ireo mpino."

¹⁶⁴ Ankehitriny tiako ho eto ny pasitera sakaizako. [Manontany olona anankiray Rahalahy Branham, "Mety ve ny miantso avy eny amin'ny mpanatrika, an'ireo mpitoriteny?"—Mpand.]

¹⁶⁵ Pasitera firy eto no mino amin'ny fonareo rehetra, ireo mpitoriteny ato, mino? Oh, misaotra anareo. Manontany tena aho raha hitsangana ianareo? Avia eto, mitsangàna miaraka amiko eto iray minitra fotsiny, eto ambany eto mihitsy, hivavaka ho an'ny marary. Avia eto ambany eto mihitsy. Ankehitriny jereo ny fanasitrana ianareo miseho, jereo izay mitranga.

¹⁶⁶ Tiako ianareo ho tonga, manao la—laharana roa eto mihitsy. Hidina eo aho ao anatin'ny fotoana fohy fotsiny, hivavaka ho an'ny marary. Mila an'ireo pasitera mino aho izay te-hanondro ny tenan'izy ireo ho mpino. Ka, mino ianareo, fa ny fahatongavanareo eto, dia hiaina fiainana masina,

madio ianareo. Tsarovy, jereo izay miseho eto, mampiseho ny Filazantsaran'i Kristy!

¹⁶⁷ Rahalahy Blair, fantattro fa eto ianao, ianao na Rahalahy Pat. Hanao an'ilay laharana roa ve ianareo ilay fanaovana azy mahazatra anareo, raha sitrakareo, ianao sy Rahalahy Pat.

¹⁶⁸ Ireo pasitera mino izay hino! Ankehitriny, jereo, raha mba afaka manondro ny Tenany Andriamanitra amin'ny alàlan'ny Teniny, miaraka amin'ny Teniny, firy no mahafantatra fa ny Baiboly, izao no nolazain'i Jesosy, "Izao famantarana izao no hanaraka an'ireo izay mino. Raha mametraka ny tànany amin'ny marary izy ireo, dia ho sitrana ireny"? Ry pasitera, tonga eto ianareo mba hanondro ny tenanareo ho mpino. Tsy izany ve? Mpino ianareo (sa tsy izany?), tsy ho nitsangana teto ianareo. Ankehitriny inona no nolazain'i Jesosy? "Izao famantarana izao no hanaraka an'ireo izay mino." Mpino anankiray miaraka aminareo aho.

¹⁶⁹ Hidina aho. Olon-tsika ireo, ary isika no mpiandry an'ireo andian'olona ireo. Hidina aho hamelatra ny haratoko miaraka aminareo ankehitriny, hametraka ny tànako miaraka amin'ny anareo. Ary rehefa mandalo ireo olona ireo, raha manana zavatra ianareo izay fisalasalana kely fotsiny ao amin'ny sainareo, dia avohay izao ankehitriny izao izany; mba rehefa mandalo ireto olona ireto, amin'izay fotoana izay ny tsirairay amin'izy ireo mandalo, ary isika mametra-tànana amin'izy ireo, dia ho sitrana izy ireo. Hino amin'ny fonareo rehetra ve ianareo ankehitriny, ny rehetra? [Hoy ireo mpitoriteny hoe, "Amena." —Mpand.]

¹⁷⁰ Firy ato no handeha hivavaka ho an'ny hafa raha mandalo izy ireo, atsangano ny tànanareo, "Hivavaka aho."

¹⁷¹ Tsarovy, mety ho ny rainareo, ny reninareo, ny zanakavavinareo na zanakalahinareo, anabavy na rahalahy. Ary raha tsy anareo izany, an'ny olon-kafa, izany ho handalo eto amin'ity laharana ity. Ary ahoana moa raha ny anareo izy ireo, ka eo am-pahafatesana miaraka amin'ny homamiadana izy ireo, na karazana aretina mahatsiravina, tsy te-ho lehilahy tso-po lalina tokoa ve ianareo? Izany tokoa, ho izany isika.

¹⁷² Ankehitriny, mino aho, ahoana no hanaovanareo... Ankehitriny ato amin'ity laharana eto ity, ity lèlantsara ity, mitsangàna manandrify an'itsy lafiny itsy, miaraka amin'ny karatra fangataham-bavaka. Mitsangàna manandrify an'itsy lafiny itsy, ireo rehetra izay ao amin'ilay fizarana ankavanana. Ankehitriny, ilay lèlana, tazony ilay fizarana ankavia; mifanery loatra isika, hitanareo, ary ianareo tsy mahafantatra hoe ahoana, inona no hataontsika. Eny àry, ny rehetra izay ato amin'ity fizarana ity, mitsangàna eto. Ankehitriny, ny rehetra izay ao amin'ny fizarana ato ankavanana, mankanesa eto, satria handeha hidina ianareo, hifanatona.

¹⁷³ Ary ahoana no handehananareo, ahoana no hivoahan'izy ireo, Rahalahy Borders? Mivoaka avy hatrany any amin'ny varavarana amin'ny sisiny, mandeha mihodina avy hatrany ary miditra ato an-trano indray.

¹⁷⁴ Noho izany, rehefa hantsoina *ity* lafiny ity, ao anatin'ny minitra vitsy, dia hitsangana izy ireo. Ary ndao jerentsika ankehitriny hoe inona... Eny àry, ireo ato amin'*ity* fizarana ity, mihodina amin'*ity* lafiny eto ity. Tazony ny karatra fangataham-bavakareo, mankanesa eto amin'*ity* lafiny ity. Ary ianareo eny amin'ny lavarangana, midina avy hatrany mamonjy ny faran'ilay laharana eo io. Ankehitriny ireo ato amin'*ity* fizarana ato amin'ny ankavia ity, mandehana mankao amin'ny lafiny amin'ny ankavia. Ary avy eo, hitanareo, ataovy ny laharanareo dia miverena amin'*itsy* lâlana itsy; mihodina indray, mihodina amin'*itsy* lâlana itsy. Hitanareo? Ary araho ilay laharana mahitsy, amin'izay fotoana izay isika dia tsy banana fifanjevoana mihitsy.

¹⁷⁵ Ary avy eo ianareo ery amin'ny lavarangana ambony, ataovy tsara fotsiny ny toeranareo eo amin'ireo lâlantsara ireo, ary mitsofoha avy hatrany fotsiny raha mandroso izy ireo.

¹⁷⁶ Ankehitriny, ankehitriny manomboha fotsiny mandroso ao aoriana, ny tsirairay, mandrosoa fotsiny aoriana mandrapihaonanareo amin'io laharana io mihitsy *eto*. Mandrosoa avy hatrany fotsiny, eto ambony *eto*, manomboha fotsiny mandroso mankanesa eto amin'*ity* laharana *eto* ity avy hatrany.

¹⁷⁷ Oh, inona no mety hiseho izao ankehitriny izao! Inona no mety hiseho! Izao no tokony ho fotoana iray izay tsy maintsy hisehoan'ny zavatra anankiray. Eny àry.

¹⁷⁸ Ankehitriny, marina izany, mandehana avy hatrany mihodina amin'*itsy* lâlana itsy, ary midira avy hatrany ao amin'ilay laharana, tahaka an'izany. Mandehana mihodina avy hatrany amin'*itsy* lâlantsara itsy. Izay ilay fomba ankehitriny.

¹⁷⁹ Ary ankehitriny rehefa mitsangana ianareo, ny rehetra amin'ny tongony, hanolotra vavaka isika. Ary ity fiangonana ity dia hivavaka miaraka amiko, mba hahatonga anareo ho tsara. Manàna fotsiny finoana ankehitriny. Ary aza...

¹⁸⁰ Mandrosoa avy hatrany amin'*ity*, ery amin'ny farany aoriana, mandrosoa avy hatrany amin'*ity* ary mikambàna amin'*ity* laharana aoriana eto ity. Mandrosoa avy hatrany amin'*ity*, manao laharana lehibe anankiray. Mandrosoa avy hatrany amin'*itsy* lâlana itsy, ary manaova laharana anankiray. Izay ilay izy.

¹⁸¹ Ny rehetra ao amin'ny vavaka. Aoka ho tena ao anatin'ny finoana ankehitriny. Aza mandinika an'ilay olona maro ankehitriny. Tsarovy, isika dia—isika dia voasaron'ny Fanatrehan'i Jesosy Kristy, miankina amintsika ny hanome

voninahitra an'izay Nataony teo anivontsika, amin'ny alàlan'ny fananana finoana ao amin'ny Teniny.

¹⁸² Tsara izany. Ankehitriny dia ho tsara fotsiny ilay izy. Heveriko fa izao laharana izao dia ho mahafinaritra fotsiny.

¹⁸³ Ankehitriny raha mbola mitsangana izy ireo, dia tiako ny olona rehetra ankehitriny, ato an-trano, hanondrika ny lohanareo.

¹⁸⁴ Tompo Jesosy, tsy ho ela dia hiseho ilay izy. Ny fanapahankevitra dia tsy maintsy noraisina izao ankehitriny izao. Mino ve izahay fa eto Ianao? Tia Anao ve izahay? Manana finoana ve izahay, Tompo, ampy ho an'izay hangatahanay? Ireto olona ireto dia manondro ny tenany amin'ny alàlan'ny fitsanganany ao anatin'ny laharana. Tompo, enga anie izany tsy ho very maina. Enga anie izany, Tompo, raha mandalo eto izy ireo, ny tsirairay anie handalo toy ny hoe nandalo teo ambanin'i Kristy izy ireo, satria fantatray fa eto Izzy. Ary mivavaka izahay mba handraisan'izy ireo ny fahasitranany. Azoko antoka fa ao anatin'ny herinandro sy herinandro ho avy aza, dia handeha ho any amin'ny pasiterany ireto olona ireto, vehivavy izay tratry ny aretim-behvavy, aretim-bavony, lehilahy miaraka amin'ny prostaty, ireo karazana retina rehetra, ho tsara, hanao hoe, "Fantatralo, niala tamiko fotsiny ilay zavatra," satria eo amin'ny Fanatrehanoa izy ireo. Enga anie izy ireo handroso ankehitriny ary—ary hahazo an'izay antony Nahafatesanao. Taranak'i Abrahama izy ireo, ary Ianao no nandresy ho azy ireo. Enga anie izy ireo ho tonga ka hahazo izay Nomenao azy ireo.

¹⁸⁵ Ary, Satana, voaseho miharihary ianao tamin'ity herinandro ity, hany ka fantatralo fa ianao dia zavatra efa resy. Jesosy Kristy no nandresy anao teo Kalvary. Nitsangana Izzy tamin'ny andro fahatelo, ho fanamarinana anay, ary mijoro eto anivonay Izzy ankehitriny. Ary mijery Azy ny finoanay, ary lavitra anao na ny zavatra rehetra izay nataonao. Mialà amin'ireto olona ireto, amin'ny Anaran'i Jesosy Kristy.

¹⁸⁶ Eny àry, atombohy ilay laharana. [Mametra-tànanana amin'ny marary Rahalahy Branham sy ireo mpitoriteny ary mivavaka ho an'ny tsirairay ao anatin'ny laharam-bavaka. Elanelana tsy voaraki-peo—Mpand.]

¹⁸⁷ Isika dia nanao fotsiny arak'izay nandidian'ilay Tompo hataontsika. Firy aminareo izay nandeha tao amin'ilay laharana, no nino fa ho tsara ianareo, atsangano ny tònanareo. Akambako miaraka aminareo ny ahy.

¹⁸⁸ Inona no nataontsika teo, farany, amin'ny maha-vondron'ny mpitoriteny anankiray teo; maro tamin'izy ireo no narary, fantatro izany, saingy niezaka izy ireo dia nametraka ny fiezhany mba hampiditra an'ireo fiangonany, na miditra izy ireo na tsia. Izany no mpiandry tena izy. Ary ny Fanahy Masina no nilaza tamiko hoe, "Ilazao izy ireo mba hifandray tònanana

amin'ny tsirairay.” Nafatotsika ny fontsika sy ireo haratontsika miaraka, ary ny fivavahantsika, miaraka.

¹⁸⁹ Jesosy, izy ireo dia ataovy tsara, ihany koa. Ary ataovy mpiandry matanjaka izy ireo, matanjaka ao amin’ny Tenin’ny Tompo.

¹⁹⁰ Enga anie Andriamanitra, ry rahalahiko, enga anie Izy hanome anareo izay rehetra irian’ny fonareo. Enga anie ianareo hanompo Azy isan’andro, ary hanana ny herin’Andriamanitra eo amin’ny fiainanareo, mba hitandrina an’izao andian’olona tsara izao. Enga anie Jesosy Kristy, Izay niaraka tamintsika, ary mbola miaraka aminareo hatramin’ny farany, enga anie Izy hanao ny Tenany ho miharihary aminareo mihoatra lavitra noho ny efa Nataony taloha.

¹⁹¹ Ianareo olona ireo, ny sasany aminareo izay kilemaina, mety tsy hahita fahasamihafana vetivety ianareo, mety tsy hahita fahasamihafana ianareo. Jereo izay nataon’i Abrahama. Tsy hampisy fahasamihafana izany; tsy izay jerenareo izany. Aza mijery ny fisehon’aretinareo ianareo. Jereo izay Nolazainy. Raha hoy ianareo hoe, “Mbola tsapako foana ilay fanaintainana,” tsy misy idiran’izany mihitsy. Nanao izay nolazain’Andriamanitra fa hatao ianareo. Hitanareo, aza mijery an’izany. Jereo izay Nolazainy. Andriamanitra no niteny fa izany ilay izy! Mino izany aho. Ary ianareo? [Hoy ny fiangonana hoe, “Amena.”—Mpand.] Amin’ny foko rehetra, mino izany aho.

¹⁹² Ny Tompo Andriamanitra hitahy anareo mandra-pahitako anareo indray. Ny fivavako dia ho anareo; ny alina tsy ho maizina loatra, ny orana tsy hilatsaka mafy loatra. Hivavaka ho anareo aho. Ianareo mivavaha ho ahy. Mandra-pihaonantsika indray, Andriamanitra hitahy anareo. Ankehitriny ny rahalahy izay pasitera, hitanareo.



*MAHAZO NY VAVAHADIN'NY FAHAVAЛО
AORIAN'NY FIZAHAN-TOETRA MAG64-0322*
(Possessing The Gate Of The Enemy After Trial)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady tolakandro, 22 Marsa, 1964, tao amin'ny Denham Springs High School ao Denham Springs, Louisiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2013 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org